

ვებგვერდი, 111207009, 08/12/2011
სარეგისტრაციო კოდი
430030000.22.022.016234

საქართველოს განათლებისა და მეცნიერების მინისტრის ბრძანება №197/ნ

2011 წლის 6 დეკემბერი ქ. თბილისი

„საქართველოს ზოგადსაგანმანათლებლო დაწესებულებებში მოსწავლეთა გაკვეთილზე დასწრების აღრიცხვის ჟურნალის ფორმის დამტკიცების შესახებ“ საქართველოს განათლებისა და მეცნიერების მინისტრის 2010 წლის 14 სექტემბერის №88/ნ ბრძანებაში ცვლილების შეტანის შესახებ

„ნორმატიული აქტების შესახებ“ საქართველოს კანონის მე-20 მუხლის მე-4 პუნქტის საფუძველზე, ვბრძანებ:

მუხლი 1. „საქართველოს ზოგადსაგანმანათლებლო დაწესებულებებში მოსწავლეთა გაკვეთილზე დასწრების აღრიცხვის ჟურნალის ფორმის დამტკიცების შესახებ“ საქართველოს განათლებისა და მეცნიერების მინისტრის 2010 წლის 14 სექტემბერის №88/ნ ბრძანების (სსმ III, 15.09. 2010 წ., N 117, მუხ. 1732):

დანართ №1-ით გათვალისწინებულ ჟურნალის წარმოების წესში შეტანილ იქნეს ცვლილება და:

ა) მე-2 პუნქტის „2.1.“ ქვეპუნქტი ჩამოყალიბდეს შემდეგი რედაქციით:

„2.1. ჟურნალის წარმოება ხორციელდება კონკრეტული კლასისთვის „ეროვნული სასწავლო გეგმის დამტკიცების შესახებ“ საქართველოს განათლებისა და მეცნიერების მინისტრის 2011 წლის 11 მარტის №36/ნ ბრძანებით დამტკიცებული ეროვნული სასწავლო გეგმით (შემდგომში – ეროვნული სასწავლო გეგმა) და სასკოლო სასწავლო გეგმით გათვალისწინებული საგნების მიხედვით.“

ბ) მე-2 პუნქტს დაემატოს შემდეგი შინაარსის „2.4.“ ქვეპუნქტი:

„2.4. იმ შემთხვევაში, თუ მოსწავლეთა მოძრაობის (ჩარიცხვა/ამორიცხვა) შედეგად ჟურნალში მითითებულ მოსწავლეთა რაოდენობა გადააჭარბებს 40 მოსწავლეს, სკოლა ვალდებულია კლასში პარალელურად აწარმოოს მეორე ჟურნალი.“

2. დანართ №2-ით გათვალისწინებულ ჟურნალის წარმოების წესში შეტანილ იქნეს ცვლილება და:

ა) მე-2 პუნქტის „2.2.“ ქვეპუნქტი ჩამოყალიბდეს შემდეგი რედაქციით:

„2.2. ჟურნალის წარმოება ხორციელდება კონკრეტული კლასისთვის „ეროვნული სასწავლო გეგმის დამტკიცების შესახებ“ საქართველოს განათლებისა და

მეცნიერების მინისტრის 2011 წლის 11 მარტის №36/ნ ბრძანებით დამტკიცებული ეროვნული სასწავლო გეგმით (შემდგომში – ეროვნული სასწავლო გეგმა) და სასკოლო სასწავლო გეგმით გათვალისწინებული საგნების მიხედვით.”;

ბ) დაემატოს შემდეგი შინაარსის „2.6” ქვეპუნქტი:

„2.6. იმ შემთხვევაში, თუ მოსწავლეთა მოძრაობის (ჩარიცხვა/ამორიცხვა) შედეგად ჟურნალში მითითებულ მოსწავლეთა რაოდენობა გადააჭარბებს 40 მოსწავლეს, სკოლა ვალდებულია კლასში პარალელურად აწარმოოს მეორე ჟურნალი.

გ) მე-3 პუნქტის „3.7.6.” ქვეპუნქტი ჩამოყალიბდეს შემდეგი რედაქციით:

„3.7.6. ყოველი სასწავლო დღის განმავლობაში კომპონენტების მიხედვით დაწერილი ნიშნების რაოდენობა გვერდის ბოლოს მოცემულ უჯრაში „ნიშნების რაოდენობა”, ხოლო ყოველი სასწავლო დღის განმავლობაში ნიშნის არდაწერის შემთხვევაში უჯრაში უნდა მიეთითოს „X”; (ცხრილი №2).

მუხლი 2. ბრძანება ამოქმედდეს გამოქვეყნებისთანავე.

დ. შაშკინი